

B. N. C.
FIRENZE
1049
25



1049.25

A

1043

25

1043 25



B

1049 25

C





1013.25



ODA
FRANCISCI MARIAE DE RICCIO FLOREN.

ad modos musicos dicta

*Cum Idem
Auspicijs*

ILLVSTRISSIMI PRINCIPIS
CAROLI CARD. MEDICES
*de Philosophia disputavit
in Collegio Romano
Societatis IESV. &c*

*anno
MDCXIX.*

permissu

superior.

TIMENS INOPIAM.

Typis Jacobi

Mascara.



1049-25

123-12

RECEIVED
AT THE
OFFICE OF THE
SHERIFF
JAN 12 1912

1049-25

ILLVSTRISS. PRINCIPI
CAROLO
MEDICI
S. R. E. CARDINALI
AMPLISSIMO.

Franciscus Maria de Riccio Sem. Ro. Con. F.



EX illos Serenissimæ Familiæ
tuæ gentilitios globos, Princeps
Illustrissime, Medicorum ideo
gloriæ datos esse si dixero, quia
dominatrix hæc Domus quin-
que à profanis imperijs Ethru-
riæ suæ Maiestatem, Orbemq;
gloriæ mutuata est: nè latum quidè-
m vnguem à li-
nea veritatis aberrauero. Assyrijs enim fundamen-
tum Regni iustitia, Medis prudentia, fortitudo Per-
sis, Macedonibus temperantia, cœlestes aliæ, & diui-
nitùs infusæ virtutes defuere priscis illis Românis,
quæ Vobis vniuersę liberali sanè Diuinitatis concessu
præstò sunt. Quòd si amplitudo præsens Ethruriæ

A 2

minore

minore Regionum ambitu circumscripta est , quàm
 illorum prouinciæ finirentur, ad sunt Vobis, & Opti-
 mi, & Maximi è Mediceorum gente Pontifices , qui
 ditione cœlestis imperij non modò Terras , sed Cœ-
 lum adæquarunt . Aeternitate factorum , immorta-
 les Heroas , & è Mediceorum fastis inauditæ etiam
 virtutis Heroinas componere cum antiquis illis , atq;
 committere consilium mihi non est . Nam Catha-
 rinam , & Mariam Reginas Galliarum cum Assyria
 Semiramide ponere, parareq; si velim, naè ego stul-
 tus Innocentiæ , & Maiestatis exempla cum leuissi-
 mo , vilissimoque monstro conferrem . Persatum
 Imperium maiore diuitiarum , quàm Milium vi,
 disciplinaq; firmatum diù stare non potuit : At Ma-
 gni quatuor Ethruriæ Duces, & opum ærarijs, & flo-
 re, & robore iuuenum bellicosorum , & armorum
 tractatione , disciplinaq; virtutum non diuturna ,
 sed æterna pacis , & imperij fundamenta posuerunt .
 Quid Cosmus ille Primus Magnus Ethruriæ Dux ?
 nonnè ciuilis belli flammam patriæ salute restin-
 guendo domicilium certum imperio fixit ? Mox ex-
 ternorum confector bellorum rem Ethruscam do-
 mesticis institutis , consilijsq; firmando , & à Pio V.
 P. O. M. magni titulo appellatus, nonnè à Philippo
 consilium , ab Alexandro Magni nomen extorsit ?
 Huius Pater Ioannes Medices , etiam ipse magnitu-
 dine

dine rerum gestarum fuisset Alexander, si Philip-
 pum Patrem habuisset. Adolescens adhuc, & planè
 puer ex flore totius Italiæ Nigrorum Militum ordi-
 nem inuictissimum legit, septiesque maximorum
 exercituum aperto Marte victor, & triumphator
 fuit. Laurentius verò cognomento magnificus, ut
 patriam à certissimo periculo liberaret, cum se vnum
 sua sponte Regis, tunc fortissimi hostis, arbitrio dedi-
 dit, nonnè Scæuolas, & Regulos æmulatus est? Sanè
 qui Romano illo pectore pro cunctis vnum obiecit
 periculo caput, is dicere potuit, **AGERE, ET
 PATI FORTIA MEDICEVM EST.**
 Mitto reliquos, & in Cosmi fratris tui Clementissi-
 mi Principis lenitudine conquiesco. Cuius Heroica
 liberalitas non modo cum Tito diem non amittit;
 sed nè punctum quidem temporis prætermittit be-
 neficijs otiosum. Religionem verò Mediceorum
 Familiæ non cum vetere superstitione, sed cum reli-
 giosissimo Christianorum Principum cultu compa-
 rabo. Ex qua enim Domo cum tot purpuræ Roma-
 næ luminibus quatuor Summi prodire Pontifices?
 Horum tu vestigia premis, & comitate, liberalitate,
 rerum cognitione pulcherrimarum auitæ possessionem
 laudis nouis in dies incrementis ampliorem fa-
 cis. Quid igitur mirum si Philosophia mea Roma-
 num in puluerem discessura patronum te salutat,
 quæ

quæ maiorum tuorum præsentissimum vbique patrocini-
um experta est? Non potest illa degenerare à se ipsa,
quando tu à Maiorum tuorum virtute degenerare non
potes. Vale.



ASSY.

ASSYRIA
AD CAROLVM.

O *Bellicosa sydus Ethruria*
Novam recingens Iride Purpuram
Potens furorem vel trecentis
Implicitum cohibere nodis.
Te dulcis anteit sollicito pede
Aglaiā, resti te pietas Numa:
Te fida telluris magistra
Iustitiam docuit Themistis,
Te mollis ambit copia Mercuri,
Te mens Minerua, te Iouis Armiger.
Augustus es felicitate
Cræsus opum vice, moribusquē
Traianus aureis. Ipsa sed auream
Regnis fugavi ferrea Virginem
Præcincta Bellona flagellis
Mortiferum paritura Martem.
Æterna terris pax erat, aurei
Et culmen aquis lancibus imperi
Astræa mandabat tyranno,

Qui

*Qui patrios reget penates :
Cum non paterni limitibus soli
Contenta (quid non regni amor audeat ?)
Superba subduxi quietis
Regna per insidias propinquis .
Tunc omne Terris incubuit nefas ,
Cohors malorum , ferrea tempora ,
Et sacra Saturni fugavit
Saxeae Deucalionis atas .
Tunc parca tristem corripuit gradum ,
Morbi , senectus , tarda necessitas ,
Orbemque turbarunt bipennes ,
Ira , furor , stygiaq; larua .
Sed vestra Regum progenies malo
Prodesse , puros & potuit dies
Priore florentes metallo ,
Et niueam reparare pacem .
Nam sacra tandem rettulit aurea ,
Et gloriosum restituit Decus ,
Prolemque letheam subacti
Imperio spoliauit Orbis .
Laxisque rectos artibus ordines ,
Fluctusque belli composuit , quibus*

(um

*Cum Sole Maestas nitefcit
Medicum ab Hesperijs ad Indos .
Orbem ergo noſtrum non mihi fit pudor
Mifcere ſenis orbibus ; eſt honor
Servire virtuti ; decorum
Servitium dabit hoc triumphos .*



B

ME.

MEDIA
AD CAROLVM.

Postquam res cecidit Meda superflua
Hic Orbis laceri symbolus imperi
Vix tandem superat, Mediceum sibi
Quem prudentia vendicat.

Qua dici patria Palladio potens
Cosmus promeruit consilio Pater;
Qua Laurens Patria floruit arbiter,
Et certa Hesperia salus.

Vi mox ille domos attigit igneas,
Tunc Astraea fugax deseruit solum,
Liquit pax Italos, regna tumultibus
Mars, discordia miscuit.

Eheu quantus agris, quantus & Urbibus
Sanguis? quanta dedit funera Celticus
Miles? Tot veteri ductor Achaicus
Non Troia peperit neces.

Sed Cosmo redyt Principe faustitas
Prudens ille toga vincere, seu sago,
Bellorum quatiens Aegida, regium

Fecit

Fecit nomen Ethruria.

*Hoc ingens specimen crescere Principum
Ferdinandus equis, atque triremibus
Vidit, cuius adhuc cornua Thracia
Luna militiam pauent.*

*Laus huic è gemino flore renascitur,
Alter laurigera pace beator,
Ut sol syderibus prominet omnibus,
Ut sol gravior omnibus.*

*Alter purpureis inclitus insulis
Arni flore Tybris complicuit rosas;
Cui iam atate graui Roma adamantinos
Fasces cœlituum dabit.*

*De nostro veniunt sanguine Medices;
Regum stemma patrum, & nomen id indicat,
Cari nostri etiam gloria Caroli
Laus, & noster bonus erit.*



B 2

PER-

P E R S I A
A D C A R O L V M.

V lue ter felix modò Romulæ
Purpura, regni columnen Paterni
Viue, Persarumque tuis reponere
Orbibus Orbem:

Carole, et fortes moderare Lydos,
Nam decet fortes dare iura Regnis;
Illicet ponent Aquilis tremantes
Iura columba.

Medices Regum soboles potentum
Læta ter binos moderatur orbis,
Fortium hoc olli meruit parentum
Maxima Virtus.

Nempe Ioannes domuit frementis
Abdita fluctus, similisque Nereo
Vngula spumantis equi fugauit
Aequoris Vndas.

Ipsa Neptunum celerem quadriga
Pallas undoso volitare ponto

Credi-

*Credidit, vastumque per aquora allo-
Cuta volantem est.
Perge Maiorum decorare fastos,
Perge Tydidem, Pylumque fama
Vincere, inuito tibi sex parentum
Non satis Orbes.*



B 3

MA-

MACEDONIA
AD CAROLVM.

Nostris subacta Perside fascibus
Regina Mundi dicere coeperam
Summis Alexandri triumphis
Exiguam ambitiosa Terram.
Quin ille plures indoluit globos
Non esse Terra. mœnibus Orbis at
Superbiorem mox tyrannum
In cinerem brevis urna cœpit.
Necnon cupitos Mediceum suo
Gens maior Orbes Orbe coercuit,
Nostrumque virtutis nitore
Abstulit, inferuitquæ senis.
Laboriosum nil sapientia;
Dat astra virtus, regna dedit Deus
Tractanda prudens temperanti.
Maxima testis eris Tuorum
Princeps Parentum Regia Principum,
Per quos Catonis dia seueritas
Adiuncta Saturni tiaris

Italia

*Italia populos beaut.
Per quos Eibruscum nomen, & Itala
Crenere gentes, vestraquè prouida
Tellus Minerva dedicatos
Exhibuit decora alta flores.*



R O.

R O M A
A D E T H R V R I A M .

M *Ater ò felix animosa Regum
Tuscia antiquas Trabeas nouellis
Insulis misces , sobolemquè magna
Sufficis Vrbi .*

*Littore Ethrusco sita suter ignes
Roma stellarum tibi septicollis
Ardet , & triplex geminòs coronat
Flamma leones .*

*Medicum , & senos Pius inter Orbes
Emicat : centum rutilat triumphis
Barbaras inter furias , & inter
Fulmina Clemens .*

*Orbis Aurigas Atavos , & alta
Gloria censum generosus auget
Carolus voluens pius insularis
Fascibus Orbes .*

*Purpura , qui nunc humeros amictus
Principem Mundi veneratus Aram
Fluminum Regi Tyberi secundum
Fæderat Arnum .*

E T H R V .

ETHRVRIA
AD CAROLVM.

Quod me tubarum per liquidum athera
Clangore magno Gloria concinat,
Regni quod extendam secures
Latiùs, inuidiaquè maior
Frangem tot Vrbes: quod furor haud mihi
Martis quietem, aut eximat otium,
Et pax recudat sanctiores
Alma dies melioris auri.
Quod gratiarum copia me beat
Effusa cornu; quod paueat meas
Infida Turcarum triremes
Funeribus cumulata pubes.
Quod me coronet pura Themis: fides
Quod ungue duret nostra adamantino
Ethruria hoc felicitatis
Medicei peperere Reges.
Me Vos beatis Medicum duo
Par dulce fratrum sydera, vos decus
Seruatis Arni, vos Ethrusca

Stem-

*Stemmiatà , præsidiumquè gentis.
Ambo ter ultra viuite Nestoris
Annos : Ethruscis linquite posteris
Exempla Maiorum , meosquè
Floriferos decorate campos .
Nos (namque Laudes Palladi ; Regibus
Fama superbum gloria præmium est)
Cum vatibus , musisque nostris
Mediceam sobolem canemus .*

F I N I S .



*Imprimatur, si videbitur Reuerendiss. P. Magistro Sacri
Palatij Apostolici.*

Czesar Fidelis Vicefg.

Imprimatur.
Fr. Gregorius Donatus Rom. Magister, & Reuerendiss.
P.F. Hyacinthi Petronij Rom. Sacri Palatij Apostolici
Magistri Socius, Ord. Prædic.

1049 25

121

1248.25

Memorandum







